

تاریخ رومی ۱۳۲۹

نومرو ۳

تاریخ هجری ۱۳۳۱



میس ۲۰

اعتقاد لری

جمادی الاخره ۲۶

پازار ایرتسی کوناری نشر اولنور اسبوعی اسلام جریده سیدر .

بوله رق كندى لسانلرينك تعليمه اساس اتخاڭ
ايلدیلر و او بولده دوام ايتديلر .

بوكون اوروپا مؤلفينى طرفندن ترتيب اولنان
غرامرلرده بيله بولاساس مشاهده اولمقده در ؛
آنحق اولنلدارالفتولرلنده اجرا ايلدكلرى تجارب
نتيجه سى اولمق اوزره لسانك يالكز قواعدينى
اوكرنمكده بيوك بر فائده كوره ميسرك قواعده
مذكوره ايله برلكده لسانى ده تعليم ايلمكى دوشونمش
وبويولده درلو ، درلو اصول كشف ايتشلر در .
اونلرك نظرلنده برلسانى اوكرنمك ، اولسانى
يازمغه ، اوقومغه ؛ سويله مكه مقتدر اولمق ديمكدر كه
طوغريسى ده بومسلك اولمق لازم كلير .

بزم ممالك عثمانيه يتشن مؤلفين حضراتى
بصريون وكوفيونك مؤلفاتى تنسيق ايتمكه اشتغال
ايتمش بلكده بر طاقم حواشى وتعليقاته اهميت
ويره رك فوايد اصليه سنى ضايع ايتشلر در .

بو جهته بوكون بزم تعقيب ايتمكده اولديغمز
كتابلر - بر عمره بدل اولمق اوزره - يالكز
قواعد لسانك تعليمنى تأمين ايدم بيلور ، ايشته
بو حال اثرى در كه طلبه مز دكل ، اكثر خواجلر مز
بيله لسان عربى ، اولسان قرآنى يازمق ، سويله مك
- و كورديكمز كتابلر استثناء ايديلرسه - اوقومقندن
عاجز .

سوزلرم حدتى موجب اولماسين ؛ بوقصور ؛
بزه راجع دكل ، بلكه بواصولى شمسدى به قدر
ابقا ايدنلره عائددر ، بزه دوشن بروظيفه وارسه
اوده ضررك اليقين نقطه سندن دوتمكدر ، بوندن
صوكره بو طرزك دوامنى طلب ايتمك ، اولسان فرقانى
هيچ كيمسه نك اوكرنم سنى آرزو ايتمكه مساوى
اولور كه بوكا نه الله راضى اولور ، نه پيغمبر !

زراعيه لازم . يوقسه تطبيقندن محروم بش اون
نظريه دكل . بويله عماسز علمدن بر نمره حاصل
اولماز . آنك ايجون عرب (العلم بلا عمل
كالشجر بلا ثمر) دير .

والحاصل هر ايكي دارالتحصيل محتاج
تنسيق در . شجره عرفانك ايكي نهال ميوه دارى
اولان مدرسه ومكتب منسوينى دست اخوتى
يكديكرينه اوزاتهرق غايه تكامله طوغرى
يورومليدرلر ، بر بر به معاونت فكريده بولمليدرلر
بو ايكي مسلك اره سنده اوچوروملر ؛ احضار
ايتك ايتسينلر وار ايسه بوكا تأسف ايتمكدن
كندمزى آله يز .

فاتح در سعاملرندن ديمر حصارلى

حافظ حسين

كتب تدريسيه مز

فتوحات اسلاميه نك ايلريله سى واهاليسى
عرب اولمايان بر چوق ممالكك كشور اسلامه
التحاقى جهتيله لسان عربك تعليمه تشبث ايدلمش
واويولده بر چوق كتابلر وجوده كتيرلمشدر .

او وقت مذكور مملكتلر خاقي عربلر ايله
اختلاطه مجبور اولدقلرندن لسان ، اختلاط نتيجه سى
اوله رق طبيعى برصورتده اوكره نيدير ، تأليف
اولنان كتابلرده قواعد صرفيه ونحويه دائر
نواقصى اكمل ايدر دى .

بصره ليلر ايله كوفيلير - الله اجر جزيل
احسان بيورسون - اقدامات متواليه ايله لسانك
تدوينه بك بيوك خدمتلىر ايتشلر در .

مؤخرآ آوروپا عالملى اويانمغه باشلادى
صيرده بو كتابلرى استيلا ايلدكلرى مملكتلرده

(مدرسه اعتقادلری و تمیزلرم)

فلاکت اخیرہ مزی متعاقب، برقاج موازنہ سز
کیسہ لڑک، فکر مفسد تلمیخی ارتق اخفایہ لزوم
کور میہ ریک بتون عربی بالغیہ میدانہ قومہ لری
وافکار مفسد تلمیخہ بردہ مشروعیت ماسکسی
طاقہ رق معصوم خلقمزی دام اغفالہ دوشور مکہ
یلتئمہ لری وصاغہ وصولہ بی محابا شتوملر، تحقیر لری
یاغدر مملری طوغریلی سکو تله کچشدیر یله جک
حالاتدن دکلدی .

قلمدار اتمزک بوباران شتومه سکو تله مقابله
ایلملری شاتملرہ جسارت ویریور، جرئت لری
ارتیریوردی . قدر شناس اہالیز ایله طابہ
علوم ایسہ الملرہ، مایوسیتلرہ مستغرق اولیوردی .
دین نامہ منسویین علمیه بی شتوملرہ هدف
قیلمہ لری موجب خندہ ایسہدہ برطاقم سادہ
دلانک وخصوصاً ضعیف الاعتقاد بولنانلرک پارلاق
سوزلرہ قاپیلہ رق زهرلی حبلر یوتمہ لری تحقق
اولدیغندن بوموازنہ سز لڑک یوزلرنده کی ماسکسی
قالدیر مق، ملت اسلامیہ یه ہیئت اصلیه لریله
کوسترمک و میدانہ آتدقلری «اصلاح مدارس»
قضیه سنک بالقانلیرلک اولایلری سوردکلری
(ماکدونیا اصلاحی) مسئلہ سنہ یک مشابہ
اولدیغنی اکلاتقی ایچون برغرته لازم ایدی .
برکت ویرسونک (مدرسه اعتقادلری) عرض
دیدار ایلدی .

مدارس اسلامیہ نیک اولجہ حائز اولدیغنی
اهمیتی شمیدہ حائز اولسنی، عالم اسلامہ فیض
علم، نور دین افاضہ ایدہ بیله جک، فاضللرک
زمانمزدہدہ یتشمہ سنی برنجیہ امل ایدیتلریمزک

کتب معانیزدہ؛ صرفہ، نحوہ متعلق کتابلر .
یمزدن چوق فرقلی دکلدر، چہ ونک اوندردہ
قواعددن بشقہ برشی اوکرتیمور، خلافی ادعا
ایدنلر وارہ - ترک عربیجہ سی اولماق شرطیہ -
برمقالہ یازار، یاخود برنطق بلیغ ایراد ایدر لرسہ
ایلاک اوکجہ اللرینی او یه جک بندہ کز اولورم .

منطق کتابلرینہ کلنجہ : بونلرک، بر، طلبہ
مسلمنک حیات قیمتدارندن افنا ایلدیکی زمانی،
برده تأمین ایتدیکی فائدہ بی دوشونہ جک اولورسہ ق
اوزون اوزادی یه سوز سویله مکہ حاجت قالماز
ظن ایدہرم .

علم کلامک اهمیت کوندن کونہ آرتقمده در،
فتون جدیدہ یه وقوف پیدا ایتہ نیک یولنی آرامقلہ
برابر، شرح مواقف و مقاصد کبی مهم اثر لراساس
عدا اولنہ رق عصر حاضرہ موافق کتابلریازمازسہ
حیف بوملنک حالہ ...!

فروع فقہیمزک سهل العبارة برکتابده جمعی،
اصول فقہک اوفن خاص الحصاصک برآز دہا
عملی، برآز دہا تطبیقہ مساعد بر صورتہ افراغ
ایدلسی الزمدر .

علم تفسیر ایله حدیثہ کلنجہ یوقاریدہ عرض
ایتدیکم صرف، نحو، منطق، معانی ولولہ سی
ایچندہ بوغولہ رق یتاب دوشن طلاب علمک یک
حالسز قالدقلری بر زمانہ تصدق ایتدیرلدیکندمی،
نہ دندر - مقصد اصلی اولدقلری سویلنمکله برابر -
او قویان، او قودان یک کوریلمہ مکده اولدیغنی
ایچون مع التأسف : آدی قالمشدر آنک دیلرلرده!
دیمکدن باشقہ سوز بولنہ میور .

فاتح درساملرندن

ع . عاطف